

Monumentenbureau ta gradici Gobierno p'e apoyo

Awor nos tur y futuro generacionnan por admira edificionan restaura



aki u ta
haya riba
e asina
y a ma
'cas-
n a n
floria.'

E sim-
bolo cu
tin riba e
seyo tin e
forma di un
strea y den e cul-
tura Arubiano ta nifica
proteccion.

DURANTE e ceremonia di diamars atardi ora cu Prome Minister Mike Eman a pone e prome seyo di Monumento Proteha, Director di Monumentenbureau sra. ing. Yvonne Webb a expresa su satisfaccion cu e programa ta inicia.

Tambe a probecha e oportunidad pa gradici Gobierno pa tur e sosten ricibi den realisa e vision di Minister President Eman di restaura tur e monumentonan historico den centro di ciudad.

"Pa nos ta un honor cu Minister President ta bay inicia e identificacion di edificionan historico, pero alabes den nomber di Monumentenbureau ta gradici Gobierno pa tur e apoyo cu nos departamento ta haya pa nos por a cumpli cu e vision

di Minister President pa tambe restaura tur e

edificionan bunita rond di su Binnenhof pa awor e ta resalta y cu orguyo nos por admira nan pa nan keda pa e siguiente generacionnan."

Dia di ayera ta pa Monumentenbureau uno historico. E inicio di e programa cu ta identifica e edificionan di Gobierno cu ta un monumento proteha ta un herment balioso den e lucha pa restaura y resguarda nos historia y cultura.

E Directora a menciona cu no por tabatin otro siman mas apropia pa inicia cu esun di nos Himno y Bandera den nos luna cultural.

"Nos ta para dilanti di un edificio historico cu basta hende a traha den dje. Tur hende a sera cabes hunto pa goberna nos pais den e edificio historico aki.

E ta di 1942 y bo por

wak tambe cu e ta un di e tiki edificionan cu tin shingles riba su dak y esey ta paso e edificio a wordo construi durante tempo di Dos Guerra Mundial y material no tabata yega Aruba hopi liher," asina sra. Webb a conta n'esnan presente n'e ceremonia.

E seyo cu ta rond y awor ta pega riba e fachada di Bestuurskantoor, ta un diseño cu e oficina di Monumento mester a prepara hincando hopi nificacion den dje.

E Director a splica cu riba casnan antiguo ta haya hopi simbolo den forma di strea, curason y tur tin nan nificacion.

Algun hende ta bisa cu e simbolonan aki a wordo poni dor di indjannan, mientras cu otro ta bisa cu ta ora di haya un yiu tabata añadi un simbolo; otro ta bisa cu e simbolo ta pa proteccion y ultimo

tin tambe ta pensa cu ta djis pa decoracion.

Pa trece mas claridad, Oficina di Monumento ta bay realisa e aña aki un estudio riba e simbolonan

Logicamente no tabatin mihor escogencia pa representa e meta di e seyo, cu ta pa proteha e edificionan monumental.